

Աստուած կրնայ մեզ փորձել

Երեք անձեր կան, որոնք կրնան մեզ փորձի ենթարկել: Աստուած, Սատանան եւ մարդը: Մենք ընդհանրապէս կ'ըսենք, թէ Աստուած մեզ չի փորձեր, այլ՝ թոյլ կու տայ, որ փորձուինք: Սա ճիշդ չէ: Աստուած կրնայ անձնապէս մեզ փորձել, ինչպէս փորձեց Աբրահամը եւ կրնայ թոյլ տալ, որ փորձուինք, ինչպէս թոյլ տուաւ, որ փորձուի Յոբը: Մէկ բան սակայն վստահօրէն գիտենք, թէ Աստուծոյ կողմէ եկած կամ թոյլ տրուած փորձութիւններուն նպատակը մեզ սրբելն ու մաքրելն է եւ ո՛չ թէ կործանելը: Չարիքի առաջնորդող փորձութիւնները Աստուծոյ կողմէ չեն գար (Յկ. 1.13): Ոչինչ կ'ընէ Աստուած ատելութենէ մղուած: Եւ ոչինչ կ'ընէ ան, առանց նպատակ ունենալու բարին ու կատարեալը:

ՄԵԿ ՏԱՐՈՒԱՆ ԸՆԹԱՑՔԻՆ ԿԱՐԴԱՆՔ ԱՄԲՈՂՁ ԱՍՏՈՒԾԱՇՈՒՆՉԸ

ՓԵՏՐՈՒԱՐ 2020

22	Թոնց 3,4	Մարկոս 3:20-35
23	Թոնց 5,6	Մարկոս 4:1-20
24	Թոնց 7,8	Մարկոս 4:21-43
25	Թոնց 9,10,11	Մարկոս 5:1-20
26	Թոնց 12,13,14	Մարկոս 5:21-43
27	Թոնց 15,16	Մարկոս 6:1-29
28	Թոնց 17,18,16	Մարկոս 6:30-56

ՊԱՅԵՑՈՂՈՒԹԻՒՆ


Սեր ժամանակակից սերունդը պահեցողութիւն ըսելով թերեւս կը հասկնայ մտեղէնէ, կաթնեղէնէ եւ ամէն տեսակի կենդանական արտադրութենէն հրաժարիլ: Ասիկա սակայն պահքի մասին ուչ ժամանակներուն եւ քաղքենի դասակարգին ըմբռնումն է: Սկիզբէն այնպէս չէ եղած: Ըստ Աստուածաշունչի տուեալներուն, պահեցողութիւնը սուգի եւ ցաւի շրջան մըն է, ինքնագրկանք մը՝ կամ ինքզինքին տրուած կամաւոր պատիժ մը, որ կ'իրագործուէր որոշ ժամանակ մը ամբողջովին հրաժարելով ուտելի եւ խմելի, ինչպէս նաեւ՝ ամէն տեսակի ՀԱՃՈՅՔԷ: Կարեւոր է այս վերջին պարագան, այսինքն՝ հրաժարիլ նաեւ հաճոյքէ, որովհետեւ պահք եւ հաճոյք իրարու հակադիր երեւոյթներ են եւ հետեւաբար կարելի չէ երեւակայել պահեցողութիւն մը, որուն կ'ընկերանայ նաեւ խաղ, ուրախութիւն եւ պար: Ուրեմն կրօնական նպատակով ինքզինքին պարտադրուած որեւէ գրկանք պահեցողութիւն է:

Պահքէն անբաժան էր ԱՂՕԹՔԸ: Եթէ ուսումնասիրենք սուրբ Գիրքը, պիտի տեսնենք, թէ ուր որ պահքի մասին հրաման կը տրուի՝ կը յանձնարարուի միաժամանակ աղօթքը:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՐԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak ճրագ թերթ



ՔՈՒ ԽՕՍՔԻ ԽՍ ՈՅԵՐՈՒՄ ԵՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ (Ս, 119-105)

ԺԳ. ՏԱՐԻ ԿԻՐԱԿԻ, 23 ՓԵՏՐՈՒԱՐ 2020 ԹԻՒ 8

ԿԻՐԱԿԻ ՕՐԵՐՈՒ ԱՍՏՈՒԾԱՇՈՒՆՉԱԿԱՆ ԸՆԹԵՐՑՈՒՄՆԵՐ ԵՄԱՅԻ 58.1-14: Հո .13.11-14.25 ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ՄԱՏԹԷՈՍԻ 6.1-21

Ա. ՔԱՌԱՍՆՈՐԴԱՑ: ԲՈՒՆ ԲԱՐԵԿԵՆԴԱՆ

ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ՄԱՏԹԷՈՍԻ 6.1-8

Չգո՛յ՛ջ, Աստուծոյ հանդէպ ձեր պարտաւորութիւնները մարդոց ներկայութեան մի՛ կատարէք ցոյցի համար, որովհետեւ այդ պարագային վարձատրութիւն պիտի չստանաք ձեր երկնատը չօրմէն:

Երբ ողորմութիւն կ'ուզես տալ՝ փող ու թմբուկով մի՛ ընէր, մարդոց ուշադրութիւնը գրաւելու համար, ինչպէս կեղծատրոնները կ'ընեն ժողովարաններու մէջ եւ հրապարակներու վրայ՝ մարդոցմէ գովասանք ընդունելու ակնկալութեամբ: Վստահ եղէ՛ք, միայն այդ է անոնց վարձատրութիւնը: Ընդհակառակը, դուն երբ ողորմութիւն պիտի տաս, ձախ ձեռքդ թող չգիտնայ, թէ ինչ կ'ընէ աջ ձեռքդ: Այսպիսով ողորմութիւնդ գաղտնի ըրած կ'ըլլաս, եւ քու երկնատը Հայրդ որ անտեսանելի է, բայց կը տեսնէ կատարածդ, քեզ պիտի վարձատրէ յայտնապէս:

Նմանապէս, երբ կ'աղօթես՝ կեղծատրոններուն մի՛ նմանիր, որոնք կը սիրեն ժողովարաններու մէջ եւ հրապարակներու անկիւնը աղօթել, որպէսզի մարդիկ իրենց աղօթելը տեսնեն: Վստահ եղէ՛ք, միայն այդ է անոնց վարձատրութիւնը: Այլ երբ պիտի աղօթես, մտի՛ր սենեակդ, զոցէ՛ դուռը եւ աղօթէ՛ քու երկնատը Հօրդ, որ անտեսանելի է եւ Հայրդ, որ կը տեսնէ կատարածդ, քեզ պիտի հատուցէ յայտնապէս: Տակաւին, երբ կ'աղօթես, մի՛ շատախօսեր հեթանոսներուն նման, որոնք կը կարծեն, որ եթէ երկար աղօթեն՝ Աստուած պիտի լսէ զիրենք: Արդ, մի՛ նմանիք անոնց, որովհետեւ ձեր Հայրը գիտէ ինչ որ պէտք է ձեզի, նոյնիսկ երբ տակաւին իրմէ խնդրած չէք:

Ուրեմն այսպէ՛ս աղօթեցէ՛ք. «Հայր մեր երկնատը, սրբաբանուի՛ անունդ. թող գայ արքայութիւնդ, թող կատարուի քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօր եւս տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք կը գործեն: Եւ թոյլ մի՛ տար որ փորձութեան մէջ իյնանք. այլ մեզ չարէն ազատէ: Որովհետեւ քո՛ւկը են միշտ՝ արքայութիւնը, զօրութիւնը եւ փառքը. ամէն»:

Եթէ մարդոց ներքէ իրենց յանցանքները, ձեր երկնատը Հայրն ալ պիտի ներէ ձեզի: Իսկ եթէ մարդոց չներէք իրենց յանցանքները, ձեր երկնատը Հայն ալ պիտի չներէ ձեր յանցանքները:

**ՄԱՐԳԱՐԵԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ԵՎ ՄԱՎԿՆԵՐ**

**ԵՍԱՅԻ ՄԱՐԳԱՐԵԻ ԳԻՐՔԵՆ
58.1-14**

Այսպէս կ'ըսէ Տէրը. «Ուժգին եւ անկաշկանդ պոռա՛, փողի նման՝ ձայնըդ բարձրացուր եւ իմ ժողովուրդիս պատմէ իր մեղքերը: Յակոբի սերունդին պատմէ իր անօրէնութիւնները:

Ամէն օր զիս կը փնտռեն, կ'ուզեն իմ նանապարհներս նանչնայ կարծես արդարութիւն գործած ժողովուրդ մը ըլլային, կարծես իրենց Աստուծոյն պատուիրաններէն երբեք դուրս ելած չըլլային:

Եւ հիմա եկեր արդարութիւն եւ իրաւունք կը փնտռեն ինձ, եւ կ'ուզեն Աստուծոյ մօտենայ:

Կը հարցնեն. «Ծով բռնեցինք, ինչո՞ւ նկատի չառիր. մենք մեզ նեղեցինք, ինչո՞ւ չլսեցիր մեզ»:

Որովհետեւ, - կ'ըսէ Տէրը - Ծով բռնած ատեն դուք ձեր գիտցածը կ'ընէք դարձեալ, ձեր աշխատանքները կը հարստահարէք, ձեր հակառակութիւններն ու կոիւները կը շարունակէք եւ խեղներն ու աղճատները կը տանջէք:

Այսպիսի ծովապահութիւն պէտք չէ ինձի. այսպիսով ձեր ձայնը ինձի չի հասնիր:

Միթէ այսպիսի՞ ծով ուզեցի.

Պահանջեցի՞ որ մարդս ինձ գիտէր չարչրկէ, կամ՞ գուրբ խոնարհեցնէ, ինչպէս եղէզը հովին դիմաց, կամ՞ բուրձի եւ մոխրի վրայ պտուկի:

Ա՞յս է բու ծովապահութիւն կոչածըդ եւ Տիրոջ համար ընդունելի ծովապահութեան օրը:



**ՊՕՂՈՍ ԱՌԱՔԵԱԼԻ ՆԱՄԱԿԸ
ՀՈՎԿԱՄԱՅԵՅԻՆԵՐՈՒՆ
13.11- -14.23**

Սիրոյ այս սկզբունքով ընթացէ՛ք, գիտնալով թէ ի՞նչ ժամանակի մէջ կ'ապրինք: Ժամանակն է, որ քունէն արթնանք, որովհետեւ հիմա փրկութիւնը աւելի մօտ է մեզի քան այն ատեն՝ երբ հաւատացինք: Գիշերը ահա կ'անցնի եւ ցերեկը մօտ է: Ուստի խաւարի գործերէն հեռանալու եւ լոյսի զէնքերը առնելու ապրելու համար այնպէս ինչպէս վայել է լոյսի մէջ քալողներուն, փոխանակ անառակութեամբ, արբեցութեամբ, խառնակեցութեամբ ու պղծութեամբ, կամ նախանձով ու հակառակութեամբ ապրելու: Տէր Յիսուս Զրիստոսի նմանեցէք եւ մարմինի ցանկութիւնները կատարելու հետամուտ մի՛ ըլլաք:

Հաւատքի մէջ տկարացած մէկը ընդունեցէ՛ք առանց իր խիղճը տանջող կասկածները քննադատելու: Օրինակ, մէկը կը հաւատայ թէ կուռքերու գոհած միսէն կարելի է ուտել: Ուրիշ մը, որ կասկած ունի այդ մասին, բանջարեղէն կ'ուտէ միայն: Միս ուտողը թող չարիամարիտ չուտողը, իսկ չուտողը թող չքննադատէ ուտողը, որովհետեւ Աստուած զայն ընդունելու է:

**ՇԱՐՈՒՆԱԿԵԼ
ԱՍՏՈՒԱԾԱՇՈՒՆՉԵՆ**

ՍՈՒՐԲԵՐ ԵՒ ՏՕՆԵՐ

ԲՈՒՆ ԲԱՐԵԿԵՆՂԱՆ

Բարեկենդան կը նշանակէ բարի կենդանութիւն, խրախճանք, ճոխ եւ առատ ուտելիքներով վայելելու օր:

Գլխաւոր շաբաթապահերու նախորդ Շաբաթ օրը կը կոչուի բարեկենդան եւ այդ առիթով կը թոյլատրուի աւելի ճոխ ուտել: Եկեղեցական օրացոյցի մէջ յաճախ կը հանդիպինք բարեկենդանի յիշատակութեան, որովհետեւ կարեւոր պահքերը ունին իրենց բարեկենդանը:

Բայց բարեկենդաններուն մէջ յատկանշական է Մեծ Պահքի նախընթաց Կիրակի օրը, որ կը կոչուի **ԲՈՒՆ ԲԱՐԵԿԵՆՂԱՆ**:

Բուն Բարեկենդանի օրը կը պատրաստեն ճոխ սեղան, կը կատարեն դիմակաւոր խաղեր, խրախճանքներ եւ այլն:

Վանքերու մէջ նոյնիսկ Բուն Բարեկենդանի օրը որոշ ազատութիւն կը տրուէր եւ այդ օրը ժամանակին կը կոչուէր **ԱԲԵՂԱԹՈՂ**:

Բուն Բարեկենդանի նախորդ օրը՝ Շաբաթ երեկոյեան ժամերգութեան ընթացքին, եկեղեցոյ խորանի վարագոյրը կը գոցուի, եւ նոյն օրը կը սկսի արդէն ապաշխարութեան շրջանը: Հոգեւոր արարողութիւնները կը մեղմանան, Ս. Պատարագը կը մատուցուի վարագուրուած խորանին տետը: Այսպիսով կը սկսի քառասնօրեայ ապաշխարութիւնը եկեղեցոյ մէջ:

Եկեղեցոյ անուանակոչութեան եւ կամ կարեւոր սուրբերու տօներու առիթով երբ կը մատուցուի հանդիսաւոր Սուրբ Պատարագ, վարագոյրը կը բացուի եւ տեղի կ'ունենայ բաց պատարագ:

Բուն Բարեկենդանի շաբաթաները կը պատմեն, թէ ինչպէ՞ս ստեղծուեցաւ մարդը եւ ապրեցաւ դրախտի փափկութեան մէջ: Այնտեղ դրախտի մէջ մարդը «ցնծայր գուարճացեալ անսխրական խնդութեամբ», որովհետեւ միշտ կը տեսնէր Աստուծոյ: Բուն Բարեկենդանի շաբաթաններու առանցքը «Դրախտի փափկութիւնը», «Դրախտի գուարճութիւնը» եւ նախատիպ մարդու՝ Ադամի երջանիկ վիճակը կը կազմէ: Քրիստոսը կը յիշատակուի որպէս երկրորդ Ադամ, որ իր միջոցով մարդոց արժանի դարձուց «Դրախտի փափկութեան»:

Բուն Բարեկենդանի շաբաթաները նոյն օրը գուարճացնող մարդոց կը յիշեցնեն նաեւ Դրախտի հոգեւոր երջանկութիւնը եւ ուրախութիւնը:

- ՔԱՌԱՍՆՕՐԵԱՅ
ՊԱՅՇՏՈՂՈՒԹԵԱՆ
ԿԻՐԱԿԻՆԵՐՈՒ ԱՆՈՒՆՆԵՐԸ**
- *Բուն բարեկենդանի Կիրակի*
 - *Արտաքսման Կիրակի*
 - *Անարակի Կիրակի*
 - *Տնտեսի Կիրակի*
 - *Դատաւորի Կիրակի*
 - *Գալստեան Կիրակի*
 - *Ծաղկազարդի Կիրակի*
 - *Ս. Զատուիճիւն*